

陸川縣志卷之二

輿地類一疆域
氣候 沿革 山川

疆域

州南七十里東西距九十五里南北距一百五十里一統志

東至榕江堡接北流縣界四十五里西至沙湖堡接博白縣界

五十里南至清湖墟接廣東高州府化州界一百里北至燕表

村接本州界五十里東南至低陽甲接廣東高州府化州界一

百一十里東北至排村接北流縣界五十里西南至烏泥堡接

廣東高州府石城縣界一百一十里西北至蔣村接博白縣界

五十五里編戶十五里金通志

陸川縣志

卷之二

輿地類一疆域

一

東西距九十五里南北距一百七十里正東至榕江堡四賀徑

止接北流縣界四十五里正南至清湖下堡北當鋪止接廣東

石城縣界一百里正西至沙湖堡蔣村止接博白縣界五十里

正北至有龍堡燕表村止接鬱林州界七十里東南至順安堡

低陽甲止接廣東化州界六十里西南至吹塘堡雞籠山止接

博白縣界八十里東北至中塘堡山根田止接北流縣界七十

里西北至有龍堡榕木鋪止接鬱林州界五十里編戶一十五

里石志

案陸川以關廂堡為縣治居縣之中心點石志與金通志道

里微有差別然石志四至八到皆自縣治計之較金通志更

詳確

沿革

禹貢荊州南徼地

商周時皆為蠻夷國所謂百越地也

案其屬有甌越駱越種類甚繁故曰百越亦謂之南越

秦屬南越象郡

案史記秦本紀始皇帝三十三年發諸道嘗逋亡人贅壻賈

人畧取陸梁地

嶺南之人多處山陸其性强梁故曰陸梁

為桂林南海象郡

象郡即今

安南及欽廉高雷博白北流陸川容縣橫縣等地

秦末至漢初屬南越

陸川縣志

卷之二

輿地類一沿革

二

案史記南越尉佗列傳秦二世時南海尉任囂病且死命龍

川令趙佗行南海尉事囂死佗興兵絕道自守誅秦所置長

吏秦既破滅佗即擊并桂林象郡自立為南越武王漢高帝

十一年詔以南海尉佗長治南方甚有文理使陸賈授璽綬

立佗為南越王高后五年有司請禁南越關市鐵器佗遂稱

帝文帝時賜佗書佗奉詔去帝號復稱王奉貢

時陸川為象郡地屬南越

漢元鼎六年後屬合浦郡

案前漢書武帝元鼎六年越王相呂嘉反殺其王

佗五世孫

與太

后及漢使帝遣伏波將軍路博德樓船將軍楊僕戈船將軍

越侯嚴分三道征南越殺呂嘉遂定越地以為南海蒼梧鬱

林合浦九真日南珠厓儋耳交趾等郡合浦郡治徐聞後漢始

徙治今合浦時欽廉高雷及博白北流陸川容縣橫縣等地皆屬合浦郡

後漢屬合浦郡合浦縣

案後漢書光武帝本紀建武十六年交趾女子徵側等反九

真口南合浦蠻俚皆應之自立為交趾帝十八年命伏波將

軍馬援率樓船將軍段志等征之十九年破交趾斬徵側等

因擊破九真賊都陽等降之始立城郭置井邑又案後漢書

郡國志合浦郡領城五合浦徐聞高涼臨允朱崖時博白北流陸川容

縣橫縣屬合浦縣至獻帝建安八年始立交州治廣信即今蒼梧縣

縣隸交州

陸川縣志

卷之二

輿地類沿革

三

三國屬蜀後蜀失荊州地又屬吳為交州合浦郡合浦縣地

案吳置五州曰荊曰郢曰揚曰交曰廣時博白北流陸川容縣隸交州又案三國志吳主傳黃武七年改合浦為珠官至孫

亮復舊名又吳錄云景帝永安六年分合浦置浦北郡至晉大康七年改為

寧浦郡即今之橫縣時博白北流陸川容縣仍屬合浦縣

晉屬交州合浦郡合浦縣

晉屬交州合浦郡合浦縣

案晉書地理志合浦郡統縣六合浦南平蕩昌徐聞毒質珠

官蕩昌即今之容縣晉武帝時分合浦縣地立而博白北流陸川仍屬合浦縣

宋初屬交州合浦郡合浦縣初隸交州後隸越州

案宋書州郡志合浦郡領縣七合浦徐聞珠官蕩昌朱盧晉

如新安至明帝泰始七年分廣州臨漳郡交州合浦郡並新

立百梁龍蘇永寧安昌富昌南流等六郡立越州時博白北流陸川屬

合浦郡合浦縣隸越州

南齊屬越州合浦郡合浦縣

案南齊書州郡志越州合浦郡領縣九徐聞合浦朱盧新安

晉始蕩昌朱豐宋豐宋廣至永明六年立北流郡無屬縣北流

郡即今北流縣析合浦縣地置博白陸川仍屬合浦縣

隋初為陸川縣屬合浦郡後省入北流

案謝通志郡縣沿革表陸川縣隋置大業初省入北流又案

顧祖禹方輿紀要陸川縣梁陳間置隋廢二說未知誰是兩存之以備參考

陸川縣志

卷之二

輿地類一沿革

四

又案隋書地理志合浦郡隸越州大業初改為祿州尋改為合州統縣十一

合浦南昌北流即今北流縣以其地併入封山定川龍蘇海康

抱成隋康扇沙鐵杷

唐復為陸川縣并置溫水龍豪龍化南河各縣後又立順州

案謝通志郡縣沿革表陸川縣武德四年復置屬東峩州後

屬容州又案舊唐書地理志禺州武德四年置南峩州移南

治定川縣改為潘州領縣五總章元年改為東峩州移治峩石縣二年改為禺州領縣四天寶元年改為溫水郡乾元元年

年復為領縣四峩石溫水武德四年析南昌縣地置即今陸

川扶桑辯州武德五年置羅州治石龍縣領縣十一六年移

六年改為辯州領縣四年天寶元年改為辯州領縣三石龍陵羅龍化

武德五年置即今縣南龍化嶺側以西有龍塘域順安各白州

武德四年置南州治博白縣領昌郡六年改為白州貞觀十

二年領縣四天寶元年改為南昌郡領縣五年析合浦縣地置

白領縣五博白建寧周羅龍豪武德四年析合浦縣地置即

堡地縣治在今南昌羅州武德五年移治石城縣於舊所置南

大洞堡古城今南昌羅州武德五年移治石城縣於舊所置南

石州割六縣屬之尙領五縣天寶元領縣五石城吳川隋義

年改為義郡乾元元年復為羅州領縣五石城吳川隋義

招義南河武德五年析石龍縣地置即今清湖南河鄉新

案新唐書地理志容州普寧郡本銅州武德四年置治北徙

治普寧縣六北流陵城渭龍普寧欣道陸川本隸東峩州唐

郡縣沿革禹州温水郡本東峩州乾封三年將軍王杲奏析

表本此領縣四峩石扶萊宕昌羅辯本陸川隸辯州後更名本

年更領縣四峩石扶萊宕昌羅辯本陸川隸辯州後更名本

名領縣四峩石扶萊宕昌羅辯本陸川隸辯州後更名本

陸川縣志 卷之二 輿地類一沿革 五

為舊陸順州順義郡大歷八年容管經畧使王翊奏領縣四

川縣地順州順義郡大歷八年容管經畧使王翊奏領縣四

龍化温水龍豪南河四縣均在又案九域志陸川縣舊治在

今縣東五十里據此陸川舊縣當為今北流縣

五代初屬楚後屬南漢 案資治通鑑梁乾化元年以靜江行軍司馬姚彥章權知容

州從楚王馬殷之請也後劉巖遣兵攻容州彥章不能守奔

長沙巖遂取容管時陸川縣屬禹州龍化温水龍豪南河各

宋屬容州

案宋史地理志容州都督府普寧郡寧遠軍節度唐開元中升為都督

府天寶元年改為普寧郡乾元元年復為容州南漢升為寧遠軍節度宋因之領縣三普寧陸川北

流又案中開寶五年廢順州省龍化龍豪温水南河入陸川

縣九年移治公平淳化五年又徙治於舊温水縣即今縣治

元屬容州路

案元史地理志容州路總管府至元十三年將宋寧遠軍改安撫司十六年將容州路總

管領縣三普寧北流陸川

明屬梧州府

案明史地理志梧州府洪武元年將元梧州路改立領州一縣九蒼梧藤

縣容縣岑溪懷集鬱林州博白北流陸川興業

陸川縣志

卷之二

輿地類一沿革星野

六

清初屬梧州府後屬鬱林直隸州

案順治康熙時陸川縣屬梧州府雍正三年廣西巡撫李紱

奏升鬱林為直隸州領縣四博白北流陸川興業

星野

李通志鬱林博白北流陸川興業及梧州府屬之岑溪容縣鶉

尾次巳辰翼軫分野金通志鬱林當軫之十一度陸川在鬱林南九十里亦

當軫之十一度

漢書地理志楚地翼軫之分野也今之南郡江夏零陵桂陽武

陵長沙及漢中汝南郡盡楚分也粵地牽牛婺女之分野也今

之蒼梧鬱林合浦九真南海日南皆粵分也兩漢時陸川為合浦郡地舊史以為

星紀斗牛
婺女分野

唐書天文志引一行兩戒之說自江源循嶺徼東南及海爲蠻越又升陽進踰天關純乾之位故鶉尾直建巳之月內列太微爲天庭其分野南河以負海亦純陽地也又斗柄謂之外廷陽精之所布也斗魁謂之會府陽精之所復也杓以治外故鶉尾爲南方負海之國自房陵白帝而東盡漢之南郡江夏東達盧江南部濱彭蠡之西得長沙武陵又逾南紀盡鬱林合浦之地自沅湘上流西達黔安之左皆全楚之分自富昭象龔繡容白廉州以西亦鶉尾之墟

據此則陸川當爲翼軫分野

又唐書地理志嶺南道蓋古揚州之南境漢南海鬱林蒼梧珠

陸川縣志

卷之二

輿地類一星野

七

崖儋耳交趾合浦九真日南等郡韶廣康端封梧藤羅雷崖以東爲星紀分桂柳鬱林富昭蒙龔繡容白羅而西及安爲鶉尾分

唐時陸川分爲五縣或屬容州或屬白州或屬羅州或屬辯州據此亦當爲鶉尾分

宋蔡戡曰遷固蔚宗以斗女爲吳越分翼軫爲荆楚分考郡國所屬越都會稽後閩王搖趙佗尉一都東甌一都番禺皆北接吳境故以吳越并稱或謂之揚粵亦揚州之分也凡謂斗牛女爲吳越分并屬揚州者指粵之東界以累世立國之地言之兩漢地理志以鬱林蒼梧所屬之西界盡爲斗女之分則差矣

唐一行禪師用李淳風之說以越之東北接吳者屬星紀實斗牛女之分野越之西北抵楚者實翼軫分野較然甚明

以上二條節錄

汪森粵
西文載

案星野之說言人人殊周禮九州皆有分星指一州之大而言至彈丸小邑亦謂當某星某度似僭而妄自地學發明知地球爲行星則昔之談星野者皆爲無據然稽歷朝史書凡志地理皆兼天文而各省郡邑志亦多列星野於輿地略內以符史例茲未敢示異謹根據通志略引諸說以備參考

氣候

南人有言曰雨下便寒晴便熱不論春夏與秋冬此語盡南方之風氣矣杜子美詩云五嶺皆炎熱宜人獨桂林蓋以桂林氣候與湘湖江浙相近桂林以下地近熱帶陰雨則寒氣淅淅襲

陸川縣志

卷之二

輿地類一星野氣候

八

人晴則勃勃蒸人陰濕晦冥一日數變復頃刻明快又復陰合冬月久晴不雨不離葛衣紈扇夏月苦雨急須襲被重裘大抵早溫晝熱晚涼夜寒一日而四時之氣備九月梅花盛開臘夜已食青梅初春百卉蔭密楓槐榆柳四時常青草木雖大易以蠹腐五穀漚而不甘六畜淡而無味水泉腥而黯慘蔬茹瘦而苦硬人生其間率皆半羸而不耐作苦生齒不蕃土曠人稀皆風氣使然也

周去非嶺
外代答

案今之泗城西隆西林東蘭歸順等州縣林岵深密氣候異中州尙符此論若潯梧鬱各府土地頗膏腴水穀甘美人煙稠密六畜蕃滋寒暑應候不可一概論矣

李待制曰南方地卑而土薄土薄故陽氣常泄地卑故陰氣常盛陽氣泄故四時常花三冬鮮雪一歲之中暑熱過半人居其間氣多上壅膚多汗出腠理不密蓋陽不返本而然陰氣盛故晨昏多霧春夏雨澤一歲之間蒸濕恒多衣服皆生白醭人多中濕肢體重倦成腳氣等疾蓋陰常盛而然陰陽之氣既偏而相搏故一日之內氣候屢遷諺曰四時皆似夏一雨便成冬又曰急脫急著勝如服藥

閩敘
粵述

平原廣野山清水深春夏多雨冬寒無雪州屬四縣氣候畧同

鬱林
州志

案陸川地低濕而物易腐白蟻甚多爲害尤甚夏秋間蚊蠅

陸川縣志

卷之二

輿地類一 氣候

九

遍地殊不可耐春則微雨連綿夏則大雨滂沱秋則煙霧四塞辰巳時始見日冬有霜而無雪或數十年一雪俗謂霜爲雪雪則謂之冰農人犁田以乾其土謂之曬雪若霜大則曰好冬耕來歲必大稔春來燠晴寒雨俗謂春寒雨至夏則熱雨寒晴俗謂夏寒絕流秋則天氣清明太陽甚烈蒸熱更過於夏冬初陰晴不時俗謂之陽春天隆冬燠煖又謂之回南天凡春夏之交寒暑不正人感之則爲傷風宜杏蘇飲以散之夏秋之交炎熱熏蒸人感之則爲傷暑宜香薷飲以解之秋冬之交暑往寒來熱氣鬱結人感之則爲傷寒或患瘧病宜柴胡湯以發之或承氣湯以下之向無瘴癘清季鼠疫盛

行感之多死入民國來亦間發

月令

正月柳懷胎茶芽拆荔枝吐葉土膏動農治耕具

二月草木青蘆葉茂春分播早種竹笋盛寒蟬鳴元鳥至

三月楊梅熟人著單衣農種薑芋杜鵑啼

四月桃李盛早稻秀晚種播初暑大雨時若

五月荔支熟早稻實荷芡茂霪雨時行

六月溽暑早稻登場插晚禾農事忙

七月圓眼熟黃花菜茂暑氣逼人諺云爭秋熟

八月元鳥至暑氣未除八白禾熟梨栗登

陸川縣志

卷之二

輿地類一氣候機祥

十

九月籬菊黃朝夕薄霧晚稻始穫鴻雁來荷芡晝退

十月單衣間著柑紅橘黃芥菜盛農事畢

十一月有薄霜晴則煖陰則寒木落草枯雖寒無雪桃李間開

十二月桃李盛開雨多則竹笋萌芽農犁霜田

以上石志

機祥

明

嘉靖四十年冬十月十六日公署失火民居燒燬幾盡

萬曆三十三年夏五月辛丑地震三次城垣并民房崩塌壓死

數十人

清

康熙三十一年夏大風損禾稼歲大饑穀價騰貴餓殍載道又遭瘟疫四野蕭條

康熙五十一年冬風雪殺晚稻僅收一分次年斗米價銀七錢民採蕨與茹菘充飢死者無數梧州府李世孝自桂林運米平糶民賴存活

康熙五十二年瘟疫盛行

康熙五十三年野田獲穗石米僅值銀四錢

康熙五十八年雨雹有大如斗者壞民居舍山中禽鳥壓死無數

雍正元年歲大稔石米價銀六錢

陸川縣志

卷之二

輿地類一 襪祥

十一

雍正五年冬十一月城內居民失火延燒幾盡衙署案牘燬燼無存

乾隆二年夏五月大雨

乾隆九年歲大稔石米價銀八錢

乾隆十五年七月大雨壞民舍無算

乾隆十九年四月大水損禾稼田多崩塌

以上石志

乾隆二十二年冬晚稻欠收次年夏穀價騰貴斗米價銀五錢

乾隆二十五年歲大稔

乾隆四十年旱饑九月地震

乾隆四十六年夏六月大水

乾隆五十九年春旱饑夏六月大水

嘉慶七年七月大風拔樹壞廬

嘉慶十七年二月大風雨雹壞民舍無算

嘉慶十九年六月黃龍見西方八月旱

嘉慶二十年六月天鼓鳴

道光九年七月初十日大風折樹行人仆地

道光十四年蝗害稼

道光十五年十一月大雪厚尺許

道光十六年大有年

道光十八年正月地震八月彗星見西方

陸川縣志

卷之二

輿地類一 襪祥

十二

道光二十二年二月大雨雹

道光二十六年七月彗星見西方數夕方滅

道光二十八年六月大水山多崩陷

道光二十九年老竹生花結實遂枯六月大風拔樹偃禾

咸豐元年春大旱竹生實如麥穗遂枯蝗害稼

咸豐三年五月飛蝗蔽天七月彗星見西北

咸豐五年夏飛蝗蔽天所至食苗過半農人擊銅器以逐之

咸豐六年六月大水浸毀民房甚多

咸豐七年正月初四日地大震夏大饑七月西方彗星見十一

月地震

咸豐八年正月初七夜地大震秋彗星見西北白氣東指長數十丈八月大風拔樹

咸豐九年正月初二日地震十一月十九日地震十二月十二日地震

咸豐十年正月初三日地震屋瓦有聲十二月十七日地震咸豐十一年彗星見北方

同治元年正月大雪四月大雨雹七月飛龍見大有年八月彗星見北方月餘乃滅

同治四年正月大雪

同治六年蟲害苗歲饑

陸川縣志

卷之二

輿地類一 襪祥

十二

同治七年正月大雨雹四月大風樹木多拔歲饑

同治十一年春彗星見北方旱饑

同治十二年夏四月雨雹地震秋七月地震

同治十三年冬蟲害稼穀落十分之七

光緒元年十月十八夜天鼓鳴天火流自南而北大如斗光芒數丈十一月雨雪

光緒三年正月雨雹四月初三日晡時大雨晦白日如夜冬久

雨有雪

以上參錄北流縣志

光緒八年秋彗星見東方長數丈經冬乃滅

光緒十一年秋八月滿天星亂禾心生葱歲饑

光緒十二年秋八月旱歲大饑斗米價銀六錢

光緒十三年夏大熟秋八月初一日大風拔木偃禾

光緒十四年三月夜流星無數南北相鬪如箭激射

光緒十六年六月初九日大水沿河民房浸崩無算七月十五
夜地大震屋瓦有聲九月初九日地震十九日又震

光緒十七年七月天星入月

光緒十八年四月地大震十一月二十七日大雪厚二尺許竹
木多隕折鱗介亦凍死

光緒二十年五月大風損禾稼

光緒二十一年夏大水壞民廬舍九月大風大霜隕穀殺禾歲

陸川縣志

卷之二

輿地類一 機祥

十四

大饑次年春斗米價銀七錢

光緒二十二年六月二十五日大風拔木壞民廬舍無算冬歲
饑米價騰貴

光緒二十三年冬竹生花結實遂枯歲荒民取竹實充飢人畜
多染瘟疫

光緒二十四年三月彗星見四月民多癘疫五月大熟斗米價
銀一錢四分秋八月旱

光緒二十六年四月瘟疫盛行六月彗星出東方光芒有鬚

光緒二十八年春旱夏瘟疫盛行染者多死秋八月旱歲大饑
穀米騰貴

光緒三十年夏大熟

光緒三十三年春有龍堡瘟疫盛行

光緒三十四年五月十九日大雨河潦暴漲衝壞田畝廬舍無算秋彗星見西方

宣統三年九月初二日日食白晝如夜是冬大熟清湖堡瘟疫甚盛

民國

三年六月大雨兼旬河潦丈餘沿河廬舍田畝衝壞無算山亦多崩陷九月穀價昂貴

四年春旱六月大水冬歲大饑次年春斗米價銀一兩四錢

陸川縣志

卷之二

輿地類一 襍祥山川上 十五

五年歲大熟

七年夏城廂內外瘟疫頗盛十月冬行春令瘟熱病盛行人民十病六七服銀翹散多愈

九年冬大熟

十一年春大洞順安東二堡多瘟疫五月二十六日大水衝壞田畝民居無算大洞洞心二堡尤甚早稻薄收米價騰貴八月初一日大風損禾稼加以蟲嚙禾枝僅四分收次年斗米價銀二兩二錢

山川上

三台山縣南一里方輿紀要縣南三里峯列如三台向學宮石志

案三台山在縣東南三里屬關廂堡方輿紀要作一里誤
後陽山縣北一里層巒疊嶂起伏不一爲縣所倚方輿紀要山勢縱
橫綿亘舊建報恩寺玄妙觀今廢石志

案後陽山屬關廂堡山脉由六良南中二堡交界之分水山
蜿蜒而來綿亘十餘里至城北爲縣城後枕

東山縣東三里喬木蒼鬱金通志峯巒秀麗中有妙洞方輿紀要高三

十丈中有泉水南入妙洞其下爲金沙溪名勝志瀑布山一名東

山縣東七里與掛榜山相連高百餘丈山半有巖曰妙洞巖求
雨以紙條探巖內石穴有雨則濕乾則無雨巖壁有詩巖下一
潭深丈餘秋冬不竭山上有田數十畝流泉灌溉泉滙爲一道

陸川縣志

卷之二

輿地類一山川上

十六

掛流石壁詳載八景石志

案東山在縣正東七里屬關廂堡金通志作三里誤山半有
飛泉掛壁遙望之如匹練下垂故名瀑布山又名白水灘峭
壁崎嶇與金坑山相連山內有居民二十餘家清咸同間世
變附近鄉民多避處於此四面築有碉卡防守今尙存在

金坑山縣東南十里山下有溪沙黃如金瀑水注之即妙洞水

矣方輿紀要

掛榜山一名綠袍山縣東十里高百餘丈形若列屏與天馬鳳
凰東西對峙鄉會年有紫紅色邑中必有捷者石志

峩穹頭山縣東八里屬關廂堡山脉由六良堡黃狗嶂東震山

迤邐而來與東山掛榜山相連接高二百餘丈有徑通榕江堡山內有村及田千畝居其間者耕食鑿飲別有天地幾不知人間事

鳳凰山縣西十里中多洞竹方輿紀要狀如鳳舞故名有石盤泉出

其頂石志

鳴石山縣西十里一名天馬山山勢聳峻如馬金通志中有大石

扣之有聲亦名石鼓山一統志郡國志云董奉死人見於鳴石之

山山海經云長石之山拱水出焉山多鳴石即此寰宇記山腰一

石扣之其聲如鐘詳八景石志今名石狗嶂脉由沙湖堡饅頭嶺

來北接泗里堡馬鞍坳山南連大洞堡之辣里山縣亘八九里

陸川縣志 卷之二 輿地類一山川上 十七

高約二百餘丈清光緒戊戌年匪亂山頂築有土寨今廢

東震山縣東十里喬木蒼鬱疊嶂層巒中開一洞天爲勝蹟之

最邑人龐穎建摩雲閣其上石志

文龍山縣東十五里山下有水流繞縣前名勝志高百餘丈峭直

如筆爲縣龍之祖石志今名天柱嶺縣東北二十五里屬六良堡

名勝志作十五里誤脉由大容山經北流二廂里大牛嶺波二

里深水塘徑九江嶺迤邐至此卓立高峯形圓如柱高約二百

丈緜亘數里縣東西南各山均由此發脉

黃狗嶂縣東二十里屬六良榕江二堡脉由天柱嶺來峭壁聳

拔高二百餘丈緜亘十餘里爲六良堡東方屏蔽

分水山縣北五里山下有二水一順流十里至縣城東一返流十里令米場河金通志一合縣東南妙洞水入廣東石城縣界一

經鬱林州合南流江入廣東合浦縣界方輿紀要

案分水山縣正北十里金通志作五里誤來脉由天柱嶺去脉一至後陽山一經沙湖有龍二堡直接鬱林州界一經泗里關廂大洞洞心叀塘各堡直至廣東合浦縣止

謝仙山縣西三十里八峯分列上有龍潭湧泉下注奔瀉如瀑

一統志縣東三十里世傳謝仙得道於此石志脉由天柱嶺黃狗嶂

天子印勾頭嶂屈繞而來峭壁參天高三百餘丈縣亘十餘里陟其巘上可見鬱林下可望高涼雄峻甲於羣山爲一邑之名

陸川縣志

卷之二

輿地類一山川上

十八

勝春夏間常擁雲霧冬有積雪山頂有仙洞洞口極窄僅容人身數十步後寬數尺高丈許洞內夏涼冬溫黑暗無光遊者須備燈燭山肚有塘名仙人塘四時不涸北邊有仙巖巖側有石如枱檜曰仙枱仙檜常有飛鼠數百集其中北方有石墩方正如印與鬱林州署對照清咸同間匪亂鄉人避居此者咸獲安全築有土寨今圯相傳仙人有留題云任天下之大亂此地永無憂任天下之大旱此地一半收北流上六里諸山多由此過脉

案謝仙山屬榕江堡與北流卞三里接壤在縣正東一統志作縣西誤

勾頭嶂縣東三十里與謝仙山毗連高三百餘丈聳拔峻峭山頂微勾因名

烏鴉嶂縣東北三十五里高約二百八十丈四面峭壁脉由北陸交界之青山嶂迤邐而來特起此山爲南中堡羣山發龍之祖

中山嶺縣北三十里屬南中堡山巔尖秀如筆又曰秀峯

雲嶺縣北四十五里屬南中堡與北流波二里接壤脉由北流之松山嶺來高二百餘丈林箐深密鳥獸羣集人跡罕至

中庸嶺縣北三十里屬南中六良二堡上承雲嶺下連天柱嶺高約三百丈爲南中堡東南屏蔽

陸川縣志

卷之二

輿地類一山川上

十九

黃箭山縣東北三十里尖直如箭石志今名帽嶺山頂嶢嶠形如

帽籠高約二百丈周圍二里許脉由鷹嶺黃洞山來

登高嶺縣東北四十里其下有泉合迴龍黃箭諸水石志今名鷹

嶺脉自北流波二里鳳凰山蜿蜒而來高約三百丈緜亘數里爲朗洞堡羣山之冠

鹿苹山縣北四十里連亘二十餘里頂高而平上設營汛即蓮塘汛下有歧路左通北流右通鬱林石志

鳳凰嶂縣北四十里屬有龍朗洞二堡高約三百丈縣亘三里許脉由北流二廂里大牛嶺迤邐而來疊嶂層巒至蒙田突起此嶂爲有龍堡名勝之山嶂背有地外高中凹天然成塘名洗

馬塘泉水湧出四時不涸深數尺寬二十餘丈長三十丈塘內浮起蒞墩遍生水草相傳有人見白馬現形於塘內浴日隨向水泥撈得銀數大甕五十年前有牧童撈起兩小甕得古錢二十餘千

亞婆嶺一名石人嶺縣北四十五里屬有龍沙湖二堡山頂有石鼎立如人高六七尺內有一石酷肖老媪近視頭耳鼻均具故名高約三百丈脉由泗里堡高棟嶺來

將軍嶺縣西北六十里屬有龍堡高約三百丈峭拔聳秀白沙湖堡沙湖嶂來脉

大巖嶺縣西北六十里屬有龍堡高約三百丈懸亘五六里山陸川縣志

卷之二

輿地類一山川上

二十

內有巖八九處有一較大者寬約三丈深二丈許內可造屋僻靜幽雅惜在深山之中人跡罕至尠有知者山脉由將軍嶺屈曲旋繞經芋蒙嶺至此

大鼓嶺小鼓嶺縣西北六十五里屬有龍堡高百餘丈周圍約二里兩嶺相連扁長如兩頭鼓故名

石人山縣北五十里屬有龍堡山多石堆有肖人及馬牛鷄等形者奇離光怪頗有可觀

簫韶山縣西北四十里

金通志嘗聞有音樂於此

九域志

臥牛山縣西北四十里形似臥牛

石志

獅子嶺縣東北五十里

石志

紫荆山縣東北七十里脉由北流二廂里大牛嶺迤邐而來高百餘丈縣亘數里中塘堡東南各山脉皆統系乎此

六茸嶺舊名亞婆嶺縣東北七十里高約百丈縣亘二里許山頂潤秀與紫荆山同來脉爲中塘堡西北諸山發龍之祖

木欄嶺縣北五十里屬中塘有龍二堡由中塘堡東南白塘山發脉高約百丈縣亘數里山巔奉祀木欄大王神迷信者不時祈禱清宣統間建有拜亭一座

荔支山縣北七十里與鬱林界

石志

石山縣北六十里離奇譎怪巉削嶮峻望之駭目怵心

石志

山脉

由北流石羊棚縣延五六里至此高約五十丈周圍約里許內

陸川縣志

卷之二

輿地類一山川上

二十一

有石孔名紅人窻可容數百人清咸同間匪亂鄉人多避難於此山頂有大小石鼓擊之發音如磬

光頭嶺縣北六十里屬大襖堡高數十丈廣二里許

黑石山縣北六十五里有左右黑石之別其石黑故名高約五十丈周圍約里許爲大襖堡收水山右黑石山頂建有文塔一座陟其上容山峯巒歷歷在目

豸嶺又名尖峯縣北六十五里屬大襖堡清康熙間建有廟今廢咸豐時陳姓在山頂築寨避亂

荔支山縣西北四里有荔支林芳翠襲人夏月可避暑

金通志

奎嶺縣西北四里蒼松盤錯崖澗幽邃龐氏建書樓於半山號

聚奎齋因以名嶺金通志當月夜風清松濤幽韻塵襟爲之盡滌

舊八景曰奎嶺松濤即指此也邑人龐穎建書室其中都人士藏修游息多附青雲聚奎之名競相傳美石志

米場山縣北二十里山下有墟石志

六邦徑縣西北十里徑長二里山勢懸亘石志

六蘇嶂縣北二十里由六良堡黃狗嶂發脉經分水山六邦徑蜿蜒至此卓立孤峯上插雲霄高約二百丈周圍約二里許爲泗里堡羣山之冠

牛畏嶺縣北二十里屬泗里堡高度與六蘇嶂相等

田子嶺縣西北十里下浪水出焉一統志今名饅頭嶺屬泗里沙

陸川縣志

卷之二

輿地類一山水上 二十二

湖二堡高約二百丈周圍約里許

馬鞍坳山縣西北十里屬泗里堡高大與饅頭嶺同

尖峯嶺縣西北十里屬泗里堡高約百丈大約里許山頂尖銳秀麗

大牛嶺縣西北十二里高約一百五十丈周圍約里許以上五嶺來脉與六蘇嶂同崗巒聯接爲泗里堡西方屏障

石湖山縣西北二十里一名石袍山高數十丈雨後山色晶瑩望似積雪金通志上有湖潭旁爲石岩方輿紀要今名沙湖嶂高約二

百餘丈延袤十餘里山勢巘嶸爲沙湖堡之名勝由泗里堡六蘇嶂來脉山頂建有關帝廟山麓有潭名曰龍潭泉水湧出四

時不涸四面峭壁巖險值世變鄉人多避處焉

靠椅嶂縣西北十五里屬沙湖堡形如靠椅因名高百餘丈縣
亘二三里來脉與沙湖嶂同山頂築有土寨

辣里山縣西南二十五里高百餘丈遍山多石有穴崎嶇險阻
內有小徑盤曲而上可容數百人石志

撐蓋山縣西南二十里由關廂堡雞冠嶺發脉高約一百八十
丈延袤十餘里為大洞堡西南羣山發龍之祖

筆架嶺縣西南十八里屬大洞堡高約百丈縣亘數里三峯並
峙形如筆架

雙龍山一統志方輿紀要郝金李各通志及石志皆作雙流山縣西南二十里山高百仞

陸川縣志

卷之二

輿地類一山水上

二十三

雙瀑流注即古龍豪縣治名勝志

鶴洞山縣南三十里金通志鶴洞山山有野鶴寰宇記

小辣里山縣西南三十五里山之東屬洞心堡山之西為博白
地脉由大洞堡辣里山來蜿蜒三里許至此特起此嶂高二百
餘丈形如帽籠山之南為黃竹塘嶺均清道咸間築有碉卡防
守今廢

山豬嶂縣西南四十二里屬洞心堡高二百餘丈周圍三里許
脉由膝頭嶺北走而來山之西為博白地

膝頭嶺縣西南四十里脉由小辣里山來高二百餘丈縣亘十
餘里為洞心堡西北一帶屏障

雙角山縣南三十里又名雙角峯金通志一名鴉髻山石志高百餘

丈周圍約二里許形似鴉髻故名來脉與膝頭嶺同清咸同間山頂築有土寨二今圯

欖核嶺縣西南五十里屬洞心堡山內泉水清潔岩洞□廠樹木蒼鬱風景幽雅清光緒二年有靈惠大王顯聖此地迷信者往拜絡繹不絕并建廟祀之

大芒窠嶺縣西南四十五里屬洞心堡山頂築有土寨

帽山山形似帽故也寰宇記紗帽嶺縣西南四十里形似紗帽石志

在洞心堡之西嶙峋兀傲如大人端坐下視羣山若奴隸然高約三百丈縣巨數里山腳右片有潭三名曰龍潭潭邊有石條

陸川縣志

卷之二

輿地類一山水上

二十四

形似魚龍上水有石板平整如橈樹木葱鬱在此間聽水聲松濤音韻悠然風景頗佳相傳昔人有在此潭失柑於博白三灘得之因謂潭有九道通博白三灘河云

五指山縣西南五十里屬洞心堡五峯橫豎形如五指故名高二百餘丈廣二里許

應午山縣西南五十里詳八景石志今名旺風龍山由五指山來

脉高二百餘丈廣四里許山頂築有土寨山半有泉天旱不涸早晚猶小當午始大光明如鏡昔人稱曰應午靈泉爲八景之一

白額嶂縣西南五十里屬洞心堡自旺風龍山來脉高二百餘

丈全額皆白石故名

陸紅嶂縣西南五十里屬洞心堡高二百餘丈山頂築有土寨山背爲番洞水口有仙人井井面左右皆石酷肖人足跡及磨臼匙箸等形

黃茅山縣西南四十里石志山頂尖銳清道咸間世變邑人蕭廷

芳聯衆築寨其上今圯

大挾山縣西南七十里界連博白石志

古旦嶂縣南四十里自白額嶂來脉高約二百丈與黃茅山對峙收束洞心堡水口

馬猴嶂縣東三十里屬順安東堡雄峻崔巍山頂多石如猴形

陸川縣志

卷之二

輿地類一山川上 二十五

高二百餘丈延袤五六里由六良堡天柱嶺發脉經黃狗嶂老鼠頂天子印各山迤邐至此

黎埇山縣東五十里屬順安東堡與化縣鴨隆甲接壤高百餘丈緜亘五里許山有錫鑛質甚堅美

鹿宿嶺縣東四十五里屬順安東堡與北流卞三里接壤層巒疊嶂高二百餘丈延袤二十餘里有徑通北流東華陸靖各墟筆架山縣東五十里九峯聯峙酷肖筆架石志

案筆架山今不知何指以方里參之則縣東五十里已入北流卞三里矣

白羊山元和志作白石山縣西南三十里方輿紀要一統志皆作東北二十里小石綦布

如羣羊志金通

山色潔白四面懸絕上有飛泉瀑布下有勾芒木

可爲布志名勝

縣東二十里山多白石如羊因以名山志石

案白羊山方向里數各志紛歧今不知是何山姑存之以待
參考

鹿蹄山縣南十五里高百餘丈連亘起伏回曲環繞中開一洞
天有田數十頃志石

佛子山縣東南二十里高百餘丈山形峻削一徑崎嶇通月洞
甲志石

老鴉嶺縣南十五里形似飛鴉志石

飛雲山縣東南二十里高百餘丈志石

陸川縣志

卷之二

輿地類一山川上

二十六

老鼠頂山縣東南十五里屬順安西堡由六良堡黃狗嶂來脉
經東震山東山金坑山縣亘二十餘里高二百餘丈山頂尖秀
直透雲霄

天子即山縣東南十五里與老鼠頂禾稗嶂相連接高二百餘
丈巍峩壁立山勢雄峻

禾稗嶂縣東南十五里屬順安堡高與天子印山相等

兩頭塘山縣南三十里山勢縣亘中有徑長三里許爲邑咽喉
上設營汛志石

那囊嶂縣東南二十五里屬塘域堡脉由金坑山經禾稗嶂佛
子山迤邐而來高二百餘丈周圍約四里許山頂建有土寨

橋頭嶂縣東南三十五里屬塘域堡高百餘丈

雞啼應山縣東南三十里屬塘域堡脉由橋頭嶂來高約二百丈

亞妃嶂縣東南三十五里脉由雞啼應山經佛子均縣連數里至此特起三峯中峯尤尖秀如筆架然舊建有土寨今廢

雙山嶂縣東南四十五里屬塘域堡兩山對峙故名山頂峭壁高約三百丈

大這山縣東南三十五里崎嶇高峻路通化州一統志今名分界

嶺山之西爲塘域堡山之東爲化縣鴨隆甲高約二百丈縣亘十餘里

陸川縣志

卷之二

輿地類一山川上

二十七

馬旭山縣東南三十五里金通志

大水山縣東南四十里山勢延袤直接平南藤縣界李通志

案大水山以方位里數參之當在塘域堡大水村來脉由順安東堡黃蛇頂各山去脉經沙井堡至清湖上下堡接化縣廉江縣界李通志謂直接平南藤縣界不無舛誤

上天龍山縣南五十二里屬沙井堡由塘域堡雙山嶂來脉蜿蜒數里聳起此峯高二百餘丈凌其頂可遍覽沙井堡山脉鑊耳嶺縣南五十二里屬沙井堡由上天龍山西南來脉迤邐四里餘至此山勢聳拔高二百餘丈山頂形如鑊耳故名馬頭嶂縣南五十里屬沙井堡脉由鑊耳嶺蜿蜒而來高二百

餘丈

馬鞍山縣南四十二里由塘域堡亞屺嶂來脉高約百八十丈形似馬鞍

逍遙山縣南五十里高百餘丈上有寨基石志巍峩卓立形如籤

筒四面峭矗爲沙井堡南方屏障雄峻甲於眾山山頂有坪縱橫約百方丈明末時築有土寨今圯

石羊山縣南五十里與逍遙山相望高聳特立其頂怪石峻嶒人跡罕到有石竅寬可容數人石志今名謝魯嶂屬吹塘堡高約二百丈山頂尖銳四面峻峭天然險要清咸同間世變邑人呂飛熊等築寨於此

陸川縣志

卷之二

輿地類一山川上

二十八

晶峯縣南五十五里與石羊山相連峯形尖削頂峙一石遠望如筆下有一白石如水晶石志

文黎山縣南五十里金通志產黃白藤及多鷓雉蚶鹿有水滌洄

凡九十九度名勝志

皇殿山縣南五十五里高百餘丈石志今名黃村嶂山中高左右

兩肩微垂形似雲片亦名黃片嶂山勢雄峻爲吹塘堡之名勝廣東合浦縣山脉發源於此

泰嶺縣南五十五里高數十丈山列如屏石志

那業嶺縣南五十五里兩山并峙形如覆釜石志

青甘山縣南五十五里石志

伏波山縣南六十里臨伏波灘旁有伏波廟上設營汛石志

古竹嶂一名雙峯嶂縣南五十五里屬吹塘堡高約二百丈清光緒戊戌年匪亂邑人李元光等在山頂築有土寨

雞籠山縣南七十里縣亘險阻界博白山半一徑可通石志高二

百餘丈縣亘三里許形似雞籠因名山之西南建有觀音庵盛暑可以迎涼

大嶺棟山縣南五十三里自吹塘堡雙山嶂來脉與沙井堡逍遙山相連爲新村堡北方屏蔽高二百餘丈縣亘數里林木蒼鬱細草蒙茸人跡罕至

先鋒嶺縣南七十里屬新村堡與清湖上堡高百餘丈山勢雄

陸川縣志

卷之二

輿地類一山川上

二十九

邁如出陣先鋒故名

芒排嶺縣南七十里與先鋒嶺相連高度亦等

小帽子嶺縣南八十里高約百三十丈形狀如帽

大帽子嶺縣南九十五里屬新村堡與清湖下堡孤峯聳峙高約百五十丈

守望嶂縣東南七十五里屬新村堡高約百七十丈與高山絲線頂銅鼓等嶂相聯屬如守望相助然

高山嶂縣南七十五里高約百四十丈形狀如屏樹木森密

絲線頂嶂縣南七十五里高百五十丈峻峭崔巍陟其巘可盡覽新村堡之形勢

銅鼓嶂縣南七十五里高百二十丈山頂平坦有田十餘畝民居二家山半有水飛瀉與東山瀑布相髣髴巖壑幽邃足供遊玩爲新村堡名勝之區以上各山來脉與大嶺棟山同雙營嶂縣東南七十七里在高山嶂之下高約百丈山頂平坦寬約數畝相傳明末清初時有山霸李科李六盤踞其間築土濠扼守舊跡今尙存在

飛峨山縣東南八十七里由高山嶂來脉

嶄頭嶺縣東南七十里由吹塘堡皇殿山來脉山頂平坦如斬故名相傳昔有劉天畏築寨其上瓦礫尙存

花嵯嶺縣南八十里高數十丈路通化州爲邑咽喉上設營汛

陸川縣志

卷之二

輿地類一山川上

三十

石志

高平山縣南八十里山頂平坦有田數畝一潭寬數丈深不可測潭內菩薩魚大可盈掌以石投之魚即浮上

雷嶺縣南九十里連亘三十餘里

狀元地嶂縣東南七十里屬清湖上堡脉由塘域堡雙山嶂迤邐而來高二百餘丈縣亘五里許山形峻峭雄踞一方

羅鴉山縣東南七十六里由新村堡帽子嶺來脉高百餘丈縣亘三里許

乳姑寨嶂縣東南九十五里屬清湖上堡山頂凸起如乳故名高百餘丈縣亘里許

丁樓山縣南一百二十里山右水流陸川左流化州其麓即丁村故一名丁山村

石志

竹高嶺縣南一百里屬清湖下堡由新村堡陸覃徑來脉高約二百一十丈

白石嶂縣南百二十里屬清湖下堡孤峯聳拔高二百一十丈山脉與竹高嶺同

羊里山縣南一百里屬清湖下堡與新村堡大小帽子嶺相連屏蔽清湖下堡西北方高約一百八十丈縣亘數里

雞子嶂縣東南一百二十里與新村堡先鋒嶂相連高三百餘丈周圍十餘里山之巔有一石孔寬六尺餘深二丈有奇名曰

陸川縣志

卷之二

輿地類一山川上

三十一

仙人孔景頗清幽足供遊覽

大侯嶂縣南一百二十里有二侯嶂三侯嶂相聯屬縣亘十有八里高三百餘丈界連廣東廉江縣與雞子嶂對峙爲陸川東南方收水山

天慶巖縣東北七十里山勢穹窿有一巖寬數十步後一潭水清如鏡飲之可解醒

石志

口狹內廣縱橫十丈有奇內有大池水

常清潔相傳昔畜有赤鯉二尾各佩一鈴雕有天慶巖三字鬱林有漁父在南橋網獲二鯉視其鈴知係此巖所畜深以爲異送還之因謂此池通鬱林南流江巖內光明寬敞幽雅異常夏涼冬溫堪供遊玩

荔支巖縣東北七十里巖在山半壁立而上僅容一人巖頂一竅泉流不竭石志

白鶴巖縣東北六十里巖內有水長流石志

凌雲巖縣東北七十里貢生龐駿構石室讀書於此半山一井泉味極甘下有池周圍約二里許風清月夜從上視下水月交

輝一山俱動石志

穿鑿巖縣東北七十里四面通透石志

紅仁巖縣東北七十里由一竅而入其內漸平層層而上山頂更平石志

燕子巖縣南七十五里相傳洞中有銀塊并有古人頭顱骨及

陸川縣志

卷之二

輿地類山川上

三十二

劍器等物牧童恆出入其間戲弄之惟此銀可在洞中撫摩攜出便迷路好事者引犬入內繫銀犬身帶出犬亦迷途後有人鑿巖取銀洞口遂爲大石壓窄今痕迹猶存已不能入洞矣